



DITAME SOBRE O PROXECTO DE DECRETO POLO QUE SE ESTABECE O REGULAMENTO ORGÁNICO DAS ESCOLAS DE ARTE E SUPERIORES DE DESEÑO DA COMUNIDADE AUTÓNOMA DE GALICIA.

O Pleno do Consello Escolar de Galicia, na súa sesión do día 17 de xuño de 2010, emite o seguinte ditame en relación co proxecto de decreto polo que se establece o regulamento orgánico das escolas de arte e superiores de deseño da Comunidade Autónoma de Galicia.

1.- O Consello Escolar de Galicia recoméndalle á Administración educativa que no preámbulo do proxecto de decreto faga referencia ao Decreto 79/2010, do 20 de maio, para o plurilingüismo no ensino non universitario, en tanto que afecta ás ensinanzas de réxime especial e ao proxecto lingüístico do centro.

2.- No apartado b) do artigo 4º propónse a substitución do texto: “ao establecemento”; polo seguinte: **“o establecemento”**. *Páxina 5, liña 6.*

3.- No artigo 7º, punto 3, propónse a substitución da verba “participación” por **“goberno”**. *Páxina 7, liña 2.*

4.- No título do Capítulo III, propónse a substitución da verba: “participación” por **“goberno”**. *Páxina 15, liña 1.*

5.- Propónse un texto de adición ao final do punto 5 do artigo 10º, co seguinte texto: **“Así mesmo, e de ser o caso, en ausencia da vicedirección, será a xefatura de estudos quen desempeñe as funcións da dirección recoñecéndosele os mesmo dereitos a efectos laborais, administrativos e económicos”**. *Páxina 8, liña 29.*

6.- No punto 4 do artigo 12º, propónse a adición do texto que figura en negriña: **“Co fin de permitir o adecuado funcionamento da escola, no suposto de ausencia prolongada dalgún membro do equipo directivo, a dirección poderá designar a outro membro do equipo directivo, para levar a cabo, con carácter temporal, as súas funcións directivas (xerando os mesmos dereitos a efectos laborais,**



económicos e administrativos), cando a dita ausencia implique profesorado substituto. Este extremo precisará a autorización expresa da inspección educativa. *Páxina 10, liña 24.*

7.- Para o apartado a) do artigo 14º, propónse un texto de adición ao final do parágrafo co seguinte texto: **“recoñecéndolle os mesmos dereitos laborais, económicos e administrativos”**. *Páxina 12, liña 26.*

8.- No mesmo artigo 14º, punto 2, apartado c), propónse a substitución da verba: “Formular”; pola expresión: **“Coordinar as”**. *Páxina 12, liña 36.*

9.- Propónse que no artigo 15º se corrixa a numeración debido a existencia de dous puntos co mesmo número. Os puntos 1, 2, 2, 3, 4 e 5 deben ser 1, 2, 3, 4, 5 e 6. *Páxina 14, liñas 24 e 19.*

10.- Propónse a inclusión dun novo apartado no punto 2 do artigo 16º, co seguinte texto: **“A vicedirección da escola”**. *Páxina 15, liña 8.*

11.- No apartado d) do punto 3 do artigo 17º, propónse un texto de adición ao final do parágrafo, que diga: **“e no equipo de dinamización da lingua galega”**. *Páxina 17, liña 9.*

12.- Así mesmo, nese mesmo punto 3 do artigo 17º, propónse un novo apartado co seguinte texto: **“f) Coñecer as candidaturas á dirección e os seus proxectos”**. O apartado f) actual pasaría a ser o apartado g). *Páxina 17, liña 12.*

13.- No punto 4 do artigo 18º, propónse a substitución do texto: “de vinte días”; por: **“de quince días”**; e a substitución de: “no prazo dun mes”, polo seguinte: **“no prazo de vinte días”**. *Páxina 17, liñas 21 a 24.*

14.- Propónse que no artigo 21º se corrixa a numeración debido a existencia de dous puntos co mesmo número. Os puntos 1, 2, 2, 3, 4 e 5 deben ser 1, 2, 3, 4, 5 e 6. *Páxina 18, liñas 25 a 36 e páxina 19, liñas 1 a 7.*

15.- Nese mesmo artigo 21º, propónse unha nova redacción para o punto 3, que sería o punto 4. O novo texto proposto é o seguinte: **“Cando nun departamento non haxa profesorado do corpo de catedráticos de artes plásticas e deseño, a xefatura de departamento será desempeñada por esta orde, por un funcionario ou funcionaria de carreira do corpo de profesorado de artes plásticas e deseño ou por un funcionario ou funcionaria de carreira do corpo de mestres de taller de artes**



plásticas e deseño que teñan destino definitivo no centro, designados pola dirección do centro, oído o departamento". *Páxina 18, liñas 34 a 36, Páxina 19, liñas 1 e 2.*

16.- Para o punto 4 do artigo 21º que debería ser o punto 5, propónse a supresión do texto en negra: **"No caso de que non haxa profesorado do corpo de profesorado de artes plásticas e deseño con destino definitivo, a xefatura de departamento ..."**. *Páxina 19, liñas 3 e 4.*

17.- Para o punto 5 do artigo 21º que debería ser o punto 6, propónse un texto de adición ao final do parágrafo, co seguinte texto: **"e terá os mesmos dereitos a efectos laborais, administrativos e económicos"**. *Páxina 19, liña 9.*

18.- O Consello Escolar de Galicia propón a inclusión da función: **"Realizar o seguimento da aplicación do proxecto lingüístico do centro e do programa de promoción da lingua galega"**, dentro das competencias do departamento que corresponda.

19.- Tamén propón que se inclúa un novo artigo co seguinte texto: **"Artigo 28º. Departamento de biblioteca"**. O artigo 28º actual pasaría a 29º e así sucesivamente. *Páxina 23, liña 17.*

20.- No artigo 29º, punto 1, propónse substituír os apartados a) e b), polos seguintes:

a) Un profesor ou profesora de cada departamento.

b) Cinco representantes do alumnado, por proposta da xunta de representantes dese colectivo.

Páxina 24, liñas 9 a 11.

21.- No artigo 32º, apartado a), propónse a substitución da verba: "europeos"; pola seguinte: **"internacionais"**. *Páxina 26, liña 4.*

22.- No apartado c) do punto 2, do artigo 35º, propónse a substitución do texto: "dúas veces no mes"; polo seguinte: **"unha vez como mínimo"**. *Páxina 28, liña 5.*

23.- No final do parágrafo do artigo 36.- Titorías, propónse a supresión do texto: **"e de material"**. *Páxina 28, liña 21.*

24.- En coherencia co punto anterior, propónse a supresión do punto 3 do artigo 37º con todos os seus apartados. *Páxina 29, liñas 22 a 30.*



25.- Proponse a supresión do apartado c), do punto 1 do artigo 37º, que di: **“Elaborar a programación da ensinanza, responsabilizarse dela, e enviar unha copia, preferentemente en formato dixital, á xefatura do departamento correspondente”**. *Páxina 28, liñas 26 a 28.*

O Secretario,

José Alejo Losada Aldrey

V. e pr.
O Vicepresidente,



Fernando del Pozo Andrés